



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Iosephi Mariae Svaresii, Episcopi Vasionensis, Praenestes  
Antiqvae Libri Dvo**

**Suarès, Joseph Marie**

**Romae, 1655**

Ad annum MDCLV. 16

**urn:nbn:de:hbz:466:1-11894**

Nouembris euectus Romæ obiit anno MDVII. Kalendaris Septembris, & in Sanctæ Mariæ de populo reconditus fuit marmoreo Sarcophago, quem illi Iulius Secundus excitauit, cuique incisum Epitaphium inserit Vghellus. Impleuit Hieronymi locum Laurentius Cybus Genuensis ab Innocentio Octauo, cuius è fratre nepos erat, anno MCCCC. LXXXIX. Cardinalis assumptus presbyter Tituli Sancti Marci, qui Beneuentanum Archiepiscopatum rexit, & Ecclesiæ Albanensi, deinde prænestinæ Præfectus anno ipso MDIII. die XXIX. Nouembris non diu superuixit, nam die XXII. Decembris migravit è vita, inque suprascripta Basilica, Beatæ Mariæ de populo visere licet eius tumulum cum Epitaphio, apud Vbertum verò Foliettam, & Garimbertum laudes, quibus egregiè commendatur, quas hic intexere superuacaneum duxi.

*De Prænestinis Episcopis ad annum  
MDCLV.*

C A P V T X V I.



CONFESTIM, eo die scilicet, eo-  
que anno prænestinum Episcopa-  
tum regendum suscepit Iulio Se-  
cundo demandante Antoniotus  
pallauicinus Genuensis, qui ex  
Episcopo Abintimillense ab In-  
nocentio Octauo ad Cardinala-  
tum, & Titulum Sanctæ praxedis accitus, dein ab  
ipso Iulio secundo ad Tusculanum Episcopatum an-

no

no illo MDIII. plurimis ille inclaruerat Legationibus, & viuens sibi posuerat anno MDI. apud Sancti petri tumulum, ac Epitaphium, ibique decessens anno MDVII. die X. Septembris illatus iacebat, sed cum Basilica Sancti petri renouaretur augustiorem in formam, vetusque disturbaretur ædificium, illius ossa eruta, & in Sanctæ Mariæ de Populo translata, & cum ossibus Ioannis Baptistæ fratris filij, atque Cardinalis inhumata sunt addito nouo Epitaphio anno MDXCVI. Ioannes Antonius de Sancto Georgio placentinus presbyter Tituli Sanctorum Nerei, & Achillei Cardinalis ab Alexandro Sexto denunciatus è præposito Mediolanensi, Rotæ Auditore, ac Episcopo Alexandrino gradum fecit ad Episcopatum Albanensem, tum ad Tusculanum anno MDIII. hinc ad prænestinum, demum ad Sabinensem anno MDVII., quem moderatus obiit Romæ anno MDIX. die XIV. Martij, & in Sancti Celsi depositus quiescit cum Epitaphio. Omiserat in Catalogo prænestinorum Episcoporum Vghellus, Bernardinum, Caruajal, placeutinum, Hispanum ex Episcopo Carthaginense anno M. XDIX. Cardinalem presbyterum Tituli Sanctorum petri, & Marcellini, tum Sanctæ Crucis in Hierusalem ab Alexandro Sexto dictum, incrementum pifani Conciliabuli, & ideo exutum Purpura Cardinalitia à Iulio Secundo, sed à Leone Decimo rursus indutum, & assequutum Episcopatus Albanensem, Tusculanum, tum prænestinum, ac Sabinensem, denique Ostiensem anno MDXXI. cum tamen ipse Vghellus in Albanensium, Tusculanorum, & Sabinensium indicibus illum prænestinum fuisse affirmasset, sed & per schedam admonuit me Bernardinum istum anno MDVII. optasse prænestinum Episcopo-

scopatum, cum Cardinalis Sancti Georgij ad Sabinensem migrasset, cumque is obiisset anno MDIX. (vti superius obseruau) Sabinensem obtinuisse, eodemque anno Guillelmus Briffonetus Gallus, qui Episcopus Nemaufensis, & Maclouienfis, tum Archiepiscopus Remensis, & Narbonensis fuit, in gratiam Caroli Octau Regis Francorum, cuius à Consilijs, & in delicijs erat, ab Alexandro Sexto presbyter Cardinalis Sanctæ pudentianæ Tituli pastoris designatus, hinc Albanensis Episcopus, & Tusculanus, anno (inquam) MDIX. denique prænestinus euasit, vitamque Narbone conclusit mense Ianuario anno MDXIV. Iste quoque fuit pars magna pisani Conciliabuli Maximiliano primo Imperatore, ac Ludouico XII. Rege Francorum, fauentibus, quamobrem à Iulio Secundo dicta ei dies fuit, vt Romæ sesisteret, contumaxque Cardinalitia dignitate, atque alijs honoribus sacris spoliatus est, verum à successore Iulij Secundi Leone Decimo reuocatus, & resipiscens eiurato schismate, ad illam & ad omnia decora restitutus fuit. Superius obseruau Leonem Decimum cum Cardinales Caruajal, & Briffonetum recepisset in gratiam, & reconciliaffet, illis Reatinum, & Tiburtinum Episcopatus tamquam Cardinales resumptos adsignasse. Marcus Vigerius Sauonensis Ordinis Minorum Sancti Francisci ex Episcopo Senogalliense, Locumtenente Ioannis de Ruuere præfecti Urbis, Suffraganeo Archiepiscopatus Bononiensis, & arcis Sancti Angeli Præfecto Presbyter Cardinalis Sanctæ Mariæ Transtiberim Tituli Callisti declaratus anno MDV. mense Februario, subrogatus fuit Guillelmo Briffoneto in Episcopatu Prænestino anno MDXI. Legatus fuerat exercitus Pontificij aduersus

Al-

Alphonsum Ducem Ferrariæ, & Oppidū Mirandulæ, in grauiſſimis rebus, de quibus agebatur in Concilio Lateranenſi adhibitus Iulio II. fidam, & ſtrenuam nauauit operam, & Apologiam cōpoſuit contra Piſanum Conciliabulum, quæ remanſit imperfecta, & Decachordum, & de Ferro, ſeu cuspide Lanceæ, Veſtibusque Chriſti Domini librum conſcripſit; vitam cum morte commutauit Romæ die XVIII. Iunij ſeu XV. Kal. Iulij anno MDXVI. & in S. Mariæ Tranſtyberim Titulo ſepultus, quem ſtructuris, hortuliſque decorarat, iacet. Ioannes Serra Hiſpanus Archiepiſcopus Arboreniſis ex Urbis Gubernatore ab Alexandro Sexto in Senatum Cardinalium adlectus anno MD., & Titulo Sancti Stephani in Monte Cœlio, deinde Sancti Clementis ſub Leone Decimo præpoſitus & Albanenſis, & Præneſtinæ Eccleſijs, Umbriæ, Picenique Legationibus, Segobiienſi, & Calaguritano Episcopatibus cumulatus, eſſe deſijt in viuſ die XV. Martij anno MDXVII. inque Sancti Iacobi cum Epitaphio ſitus eſt. Franciſcus Soderinus Florentinus è Volaterrano Episcopo ab Alexandro etiam Sexto anno MDIII. pridie Kalend. Iunij Presbyter Cardinalis Tituli Sanctę Suſannę renuntiatuſ, tum Baſilicę Sanctorum Duodecim Apoſtolorum, non tantum Episcopus Nannetenſis, Cortonenſis, & Vicentinuſ, quin etiam Sabinenſis in locum derurbati Caruajal, tum Albanenſis anno MDXV., Præneſtinuſ anno MDXVII. menſe Martio, Portuenſis MDXXIII. die XIV. Decembris, & Oſtienſis ſub Clemente Septimo deceſſit anno M. DXXIV. die XVII. Iulij, breuique cum Epitaphio in Sanctę Marię de Populo ſitus eſt. Aſſumptuſ eiꝰ in locum Præneſtinuſ Episcopus die XVI. Octobris eo anno Alexander Farnęſiuſ Romanuſ ele-

K K

ctus

Cus Diaconus Sancti Eustachij Cardinalis ab Alexandro Sexto, Tusculanus Episcopus anno MDXIX. Sabinensis anno MDXXIII. die XIV. Decembris, Portuensis anno MDXXIV. die XVIII. Maij, at XV. Iunij anno MDXXV. Ostiensis, qui cum pertigerit apicem Pontificatus die VII. Idus Octobris anno MDXXXIV. Paulique Tertij nomen mutuatus Ecclesiam diutius gubernarit, notior est quam ut nostris indigeat praconijs, sedit annos quindecim dies XXIX. obdormijt anno MDXLIX. die IV. Idus Nouembris, & in Vaticano tumultus fuit. Antonius Maria de Monte Sancti Sabini ex Archiepiscopo Sipontino Auditor Camerae Apostolicae, & Rotae, à Iulio Secundo Cardinalis anno MDXI. die XXX. Maij designatus, Episcopus Papiensis, tum Nouariensis, Umbriae Legatus, & in Vrbe iterum, Concilij Lateranensis indicendi auctor Iulio Secundo, Tusculanae Sedi praefuit anno MDXXIII. die XIV. Decembris, Praenestinae die XVI., Sabinensi anno MDXXIV. die XVIII. Maij, demum Portuensi die XV. Iunij, Romae sublatus è viuis fuit anno MDXXXIII. die XII. Kalendas Octobris, sepultus est apud Sanctum Petrum in Monte aureo cum Epitaphio, quod illi posuit Iulius Tertius fratris filius. Petrus Accolitus Florentinus ex Aretio Auditor Rotae, Anconitanus Episcopus à Iulio quoque Secundo Cardinalis Presbyter Tituli Sancti Eusebij anno MDXI. adscitus, fuit & Episcopus Gaditanus in Hispania, Malleacensis, & Atrebatensis in Gallia, Cremonensis in Insubria, Rauennas in Aemylia Archiepiscopus, rursus Episcopus Albanensis anno MDXXIII. die XVI. Decembris, Praenestinus anno MDXXIV. die XVIII. Maij, Sabinensis die XV. Iunij, abiit è vita Romae anno MDXXXII. mense

mense Decembri, humoque mandatus est apud  
 Sanctam Mariam de Populo, etsi Rubeus illum,  
 apud Sanctum Eusebium scribat fuisse situm. Mar-  
 cus Cornelius Venetus cum Episcopatibus Pataui-  
 no, & Veronensi fulsisset, atque Cardinalatu, an-  
 no MDXXIV. die XVIII. Maij Albanensis Episco-  
 pus, die XV. Iunij Prænestinus, obiit XIII. Kalend.  
 Augusti eo anno, iacetque apud Sanctum Geor-  
 gium maiorem. Laurentius Puccius Florentinus  
 Cardinalis Tituli Sancti Laurentij in Damaso, &  
 Episcopus Pistoriensis, hinc Albanensis anno illo  
 MDXXIV. die XV. Iunij, Prænestinum obtinuit  
 Episcopatum die XXIX. Iulij, & tenuit eius clauum  
 ad annum MDXXXI., quo Romæ demortuus, se-  
 pultusque fuit in Sanctæ Mariæ supra Mineruam,  
 Ioannes Piccolomineus Senensis Presbyter Cardi-  
 nalis Tituli Sanctæ Balbinæ adeptus Episcopatum  
 Albanensem anno MDXXIV. die XXIX. Iulij, Præ-  
 nestinum consequutus est die XXI. Septemb. anno  
 MDXXXI. at MDXXXIII. die XXVI. Aug. obuenit  
 illi Portuensis Episcopatus, denique Ostiensis an-  
 no MDXXXV. die XXVI. Februarij, vita functus est  
 Senis anno MDXXXVII. & situs in Metropolitana,  
 cuius Archiepiscopus erat. Andreas de Valle Ro-  
 manus Cardinalis Presbyter Tituli Sanctæ Priscæ  
 anno MDXXXIII. die XXI. Aprilis Episcopatu Al-  
 banensi regendo admotus, tum Prænestinam susce-  
 pit Ecclesiam, obiitque Romæ pridie Idus Augu-  
 sti MDXXXIV. in Aracœli humatus cum Epitaphio.  
 Bonifacius Ferrerius Vercellensis Presbyter San-  
 ctorum Nerei, & Achillei Tituli Fasciola Cardina-  
 lis à Leone Decimo dictus anno MDXII. ex Episco-  
 po Eporediense, anno MDXXXIII. die XII. De-  
 cembri Episcopus Albanensis, anno MDXXXIV.

die v. Septembris translatus fuit ad Prænestinam Sedem, anno MDXXXV. die XVI. Februarij ad Sabinensem, anno MDXXXVII. die XXIV. Septembris ad Portuensem, decessit anno MDXLIII. mense Ianuario, quiescit in Sanctæ Mariæ Maioris cum Epitaphio. Laurentius Campegius Bononiensis Episcopus, Presbyter Sanctæ Mariæ Transtiberim Tituli Callisti Cardinalis anno MDXXXIV. die v. Septembris Episcopus Albanensis, anno MDXXXV. die XXVI. Februarij Prænestinus, anno MDXXXVII. die XXVIII. Nouembris Sabinensis, migravit è vita die XVI. Augusti anno MDXXXIX. Antonius Sanfeuerinus Neapolitanus è Tarentino Archiepiscopo Cardinalis à Clemente Septimo delectus Presbyter Sanctæ Mariæ Transtiberim Tituli quoque Callisti, insignitus Episcopatu Prænestino die XXVIII. Nouembris MDXXXVII. transijt ad Sabinensem die IV. Augusti anno MDXXXIX. tum ad Portuensem, die VIII. Ianuarij anno MDXLIII. quo viuere desijt die XVII. Kalendas Septembris in Sanctissimæ Trinitatis ad Montem Pincium situs est. Ioannes Vincenzius Caraffa Neapolitanus itidem Archiepiscopus patriæ suæ, & Presbyter eiusdem Tituli Callisti à Clemente Septimo etiam cooptatus Cardinalis ascendit ad Episcopatum Prænestinum anno MDXXXIX. die IV. Augusti, ad quem anno MDXLI. die XIV. Nouembris Alexander Casarinus Romanus Diaconus Sanctæ Mariæ in Via Lata Cardinalis euocatus fuit ex Episcopio Albanensi, quod anno MDXLI. die XXI. Maij susceperat, obiit Romæ die XIII. Februarij anno MDXLII, tumulumque fortius est in Araceli, Episcopus Hieracensis etiam exstitit. At è Cornelia gente Venetus alter Franciscus ex Episcopo Brixense, ac Presbytero Tituli

toties

toties repetiti. Callisti Cardinale Albanus Episcopus anno MDXLI. die XIV. Nouembris, Prænestinus anno MDXLII. die XV. Februarij euasit, Viterbijque vita exutus Kalendis Octobris MDXLIII. Venetias deportatus fuit. Ioannes Maria de Monte Sancti Sabini Presbyter Tituli Sanctæ Præxedis Cardinalis Episcopatum Prænestinum indeptus anno MDXLIII. die V. Octobris hinc peruenit ad solium Pontificale, in quo Iulij Tertij nomen assumens anno MDL. die VI. Februarij sedit vsque ad diem V. Aprilis anno MDLV. quo cessit è vita, inque Vaticano sepultus fuit. Successorem in Episcopatu Prænestino sibi substituit Iulius Tertius Ludouicum Borbonium è Regio sanguine Gallum die XIV. Februarij anno MDL., qui Cardinalis Presbyter Tituli Sanctorum Siluestri, & Martini in Montibus anno MDXVII., deinde Sanctæ Sabinæ fuerat Episcopus Laudunensis, Lucionensis, Cenomanensis, Archiepiscopus Senonensis, hinc anno MDLVII. die XIII. Martij excessit ex humanis, & in sancti Dionysij conditus fuit, quo anno Federicus Cæsius Romanus XX. septembris Prænestinus Episcopus proclamatus ex Episcopo Tudertino, atque Cremonense, ac Presbytero Tituli sancti Pancratij Cardinale, Pauli Tertij delectu, ad Episcopatum Tusculanum regressus anno MDLXII. die XVIII. Maij, inde ad Portuensem transfijt anno MDLXIV. die XII. Maij, in quo Episcopatu Romæ decessit anno MDLXV. die V. Kalendas Februarij, & in sacello Castorum apud sanctam Mariam Maiorem requiescit cum Epitaphio. Ioannes Moronus Mediolanensis Presbyter sancti Vitalis Tituli Vestinæ à Paulo Tertio dictus anno MDXLII. in Concilio Tridentino sanctæ sedis Apostolicæ Legatus, postea

San-

sanctæ Mariæ Transtiberim Tituli Callisti, & anno MDLX. die XIII. Martij Episcopus Albanensis, mensis eiusdem X. die anno MDLXI. Sabinensis, & die XVIII. Maij Prænestinus, die vero XIII. Martij anno MDLXIV. Tusculanus, & die VII. Februarij anno MDLXV. Portuensis, ad extremum Ostiensis, & Decanus sacri Collegij, Romæ excessit è vita anno MDLXXX. Kalendis Decembris sepultus in sanctæ Mariæ supra Mineruam cum Epitaphio, Episcopatibus insuper Mutinense, atque Nouariense potitus est. Istius præstantissimi Herois res gestas fusè descriptas asseruat eius gentilis eruditissimus, & humanissimus D. Carolus Moronus Basilicæ sancti Laurentij in Damaso Canonicus, & à Bibliotheca Eminentissimi Principis Francisci Cardinalis Barberini, iuvatque pro iure communis amicitiae sigillatim hoc Elogium in ipsius gratiam excerptum intexere. Filius fuit Ioannes Moronus Hieronymi, qui Ducatus Mediolanensis Cancellarius, & ab intimo consilio Caroli Quinti Imperatoris erat, adolescens Romæ, acerrimi specimen ingenij cum præberet, à Clemente septimo Protonotarius anno ætatis XVI. renuntiatus, vbi strenuam Florentina in obsidione (negotijs è voto Pontificis peractis) nauasset operam, Episcopus Mutinensis annum agens XIX., hinc Mediolanensis senator, at à Paulo Tertio in Germaniam ad Ferdinandum Romanorum Regem Nuntius missus, atque Ratisponam ad Carolum Quintum varijs Dietis interfuit, spirensi potissimum, & ad Cardinalitiam dignitatem meritum gradibus ascendit, ad Concilium inde Tridentinum Legatus, tum Bononiam, à Iulio Tertio præfectus Ecclesiæ Nouariensi, Legatusque ad Augustanam Dietam gnauiter defendit Catholicam

Reli-

Religionem, Marcelli secundi Comitijs adfuit, & Pauli Quarti, sub quo calumniis appetitus, & carceri addictus, ex illo à Collegio Cardinalium liberatus, atque à Pio Quarto dictus innocens, & iterum Legatus ad Concilium Tridentinum, ei coronidem imposuit; post Pij eiusdem obitum dignus sancti Caroli Borromæi sententia iudicatus fuit, qui ad thronum Pontificium proueheretur, vti semper innocentibus gloriam aduersa pepererunt, prælatus tamen illi Pius Quintus adhibuit eum feliciter ineundo foederi aduersus Turcam, quod victoria celeberrima relata Naupacti à Christianis consecuta est, à Gregorio Decimotertio Genuam Legatus ad sedandos tumultus in Reipublicæ Christianæ perniciem erupturos, pacem composuit, denique ad Maximilianum Imperatorem, tutatus est Ecclesiam animosè, Protector Regnorum Hungariæ, Bohemiæ, Angliæ, & Hiberniæ, ac Ordinum Religionum sanctorum Benedicti, Bernardi, Dominici, Hieronymi, pluriumque Congregationum Præfectus, honoribus, & gloria cumulatus, meritisque insignibus erga Christianum Orbem memorabilis cum annum LXXII. attigisset euolauit in Cælum. Hactenus excurrere me coëgit amor, nunc seriem, quam sum exorsus, repeto. Christophorus Madrutius Tridentinus ex Episcopo suæ patriæ Presbyter Cardinalis Tituli Callisti sæpius scripti Episcopus Albanensis anno MDLXI. die XV. Aprilis, sabinensis die XVIII. Maij MDLXII. ad Prænestinam sedem retrocessit MDLXIV. anno, die XII. Maij, & Portuensem apprehendit die III. Iulij MDLXX. in qua sedens ereptus est ex humanis die V. Iulij MDLXXVIII., & apud sanctum Onuphrium sepulcro, ac Epitaphio cohonestatus. Otho Truchses Augustanus

nus in Germania ex Episcopo patriæ quoque suæ à Paulo Tertio Cardinalatu, & Titulo sanctæ Balbinæ donatus, eum cum Titulo sanctæ Sabinae, mox istum cum Callisti permutavit, Herbipolensis Ecclesiæ administrator, Imperii Protector, anno MD. LXX. die III. Iulij Prænestinum Episcopatum optavit, postquam Albanum anno MDLXII. die XVIII. Maii, & sabinensem anno MDLXX. die II. Aprilis obtinisset, & inhærens Prænestino decessit Romæ anno MDLXXIII. mense Aprili depositus in sanctæ Mariæ, ac Epitaphio decoratus. Iulius Roboreus, seu de Ruere Presbyter sancti Petri ad Vincula Tituli Eudoxiæ Cardinalis Episcopatum Albanensem emeruit anno MDLXX. die X. Februarii, sabinensem die III. Iulij, at Prænestinum anno MD. LXXIII. die XVII. Octobris, Romæque abiit è vita anno MDLXXVIII. rexit insuper Archiepiscopatum Rauennatem. Ioannes Antonius sorbellonus Mediolanensis ex Episcopo Fulginate à pio Quarto, cuius erat amitinus, Diaconus sancti Georgii ad Velum aureum Cardinalis declaratus, tum presbyter Tituli Callisti, hinc anno MDLXXXVIII. die IX. Iulij Episcopus Sabinensis, inde Prænestinus eo anno, & Tusculanus anno MDLXXXII. die IX. Martij, & Portuensis MDLXXXVII. anno die II. Decembris, denique Ostiensis anno MDLXXXIX. die XVI. Martij diem vltimum obiit Romæ XV. Kalendas Aprilis anno MDXCI., & in Sanctæ Mariæ Angelorum ad Thermas tumulum eius cum Epitaphio visere licet. Fuit & Nouariensis Episcopus. Ioannes Franciscus Gambara Brixienfis, Episcopus Viterbiensis, qua se dignitate abdicauit, & Cardinalis, ex eodem Titulo, Callisti nempe, ad Episcopatum Albanensem prouectus anno MDLXXX. die V.

Decem-

Decembris, ad Prænestinum anno MDLXXXIII. die IX. Martij peruenit, excessitque Romæ è vita anno MDLXXXVII. die III. Non. Maij, vnde relatus Viterbium ad Sanctam Mariam de Quercu repositus fuit absque vlllo Elogio in Sacello maiori subter gradus. Marcus Antonius Columna Romanus Presbyter Tituli Sancti Laurentij in Lucina Archiepiscopus Tarentinus, & Salernitanus Prænestinum etiam rexit Episcopatum anno MDLXXXVII. die IX. Maij sibi delatum, eumque reliquit anno MDXCVII. moriens Iulio Sanctorio Casertano Archiepiscopo Sanctæ Seuerinæ, & Presbytero Sanctæ Mariæ Transtiberim Tituli Callisti Cardinali dicto à Pio Quinto, Iulius autem illum Episcopatum inijt eo anno MDXCVII. die XVIII. Maij, Maiorque Pœnitentiarius, ac Summus Inquisitor Romæ defunctus anno MDCII. die VII. Idus Iunij iacet in Sacello, quod viuis ipse construxerat in Basilica Lateranensè cum Epitaphio. Sæculo exorienti Alexandrum Mediceum in Prænestini Episcopatus specula collocatum anno MDCII. die XVII. Iunij in locum Iulij Sanctorij exhibent Ecclesiæ illius Diptycha, & Sanctæ Rom. Eccl. Cardinalium Fasti, quos inter hic Alexander Florentinus ciuis, & Archiepiscopus emicuit, ordinatus in Titulo Callisti Presbyter, hinc Albanensi præfectus Episcopatus anno MDC. die XXX. Augusti, sed è Prænestino transcendit ad verticem honorum, Romanum scilicet ad Thronum, Leoque Vndecimus appellatus est Kalendis April. anno MDCV. eo tamen frui diutiùs illi datum non est, abstulit enim ipsum propera mors XXVI. Pontificatus die, siue XXVI. Aprilis, cui successit in Episcopatu Prænestino per Optionem Augustinus Valerius Venetus ex Episcopo Veronen-

L I            fe,

se, ac Presbytero Tituli Sancti Marci Cardinalis Kalendis Iunij anno MDCV. fato functus est anno MDCVI., quo, Iunij die v. capessere coepit Optatum Episcopatum Praenestinum Ascanius Columna Romanus Marci Antonij Columnæ Imperatoris exercituum inuicti, & Feliciæ Ursinæ filius, Abbas Sublacensis, & Hierosolymitani Ordinis Venetijs Prior, à Sixto Quinto promotus Cardinalis ad Titulum Sanctæ Crucis in Hierusalem, eruditissimus, & eruditorum amator, Archipresbyter Sancti Ioannis Lateranensis, Aragoniæque Prorex, Praenestinum verò Episcopatum non deseruit nisi cum vita anno MDCVIII. die XVI. Kalendas Iunij sepultus in Laterano propè Sarcophagum Martini Quinti. Antonius Maria Gallus Auximanus ciuis, Episcopus primùm Perusinus, deinde patriæ suæ, à Sixto Quinto electus Presbyter Cardinalis Tituli Sanctæ Praxedis, anno MDCV. Kalendis Iunij Episcopus Tusculanus, XXVIII. Martij anno MDCVIII. Praenestinum, anno MDCXI. die XVI. Augusti Portuensis, & anno MDCXV. die XVI. Septembris Ostiensis, Romæ mortalitatem expleuit anno MDCXX. die XXX. Martij sepultus in Sacratio ad Aram Coeli, Frater Gregorius Petrochinus, seu Petrocchinus à Montelpero, siue Montelparo in Piceno, Augustinianus è Generali Ordinis Presbyter Cardinalis Tituli Sancti Augustini à Sixto Quinto renuntiatus, deinde Tituli Sancti Laurentij in Lucina, Praenestinum Episcopatum inijt anno MDCXI. die XVII. Augusti, obiit MDCXII. die XIV. Kalendas Iulij conditus in Sacello Sanctæ Monicæ Romæ apud Sanctum Augustinum cum binis Elogijs. Franciscum de Gioiosa Gallum ex Archiepiscopo Narbonensi Presbyterum Tituli Sancti Petri ad Vincula.

Car-

Cardinalem à Gregorio Decimotertio designatum Prænestinum Episcopatum anno MDCXI. Mucantius Tom. VIII. Diariorum enuntiat, sed Vghellus præterit, inque Sabinensibus anno MDCIV. reponit, vnde Ostiensis euaserit anno MDCXI. die II. Augusti, obiit Auenioni die XXIII. Aug. MDCXV. sepultus est pontifær, fuit Tolosanus, & Rothomagensis etiam Archiepiscopus. Benedictus Iustinianus Chijnatus Genuensis Origine, Camera Apostolicæ Thesaurarius anno MDCLXXXV. die XV. Kalendas Ianuarij à Sixto Quinto Diaconus Cardinalis Sancti Georgij ad Velum Aureum renuntiatus, Bononiæ Legatus, ad Titulum Sanctæ priscæ prouectus presbyter, & ad Sancti Laurentij in Lucina, tum ad Episcopem prænestinam anno MDC. XII. die VI. Iunij, ad Sabinensem anno MDCXV. die XVI. Septembris, demum ad portuensem, in qua deceffit die XXVII. Martij anno MDCXXI. tumulatusque in Sanctæ Mariæ supra Mineruam cum Epitaphio Resurrectionem mortuorum expectat. Franciscus Maria de Monte Sanctæ Mariæ natus Venetijs à Sixto Quinto Diaconus Sanctæ Mariæ in Domnica, tum presbyter Tituli Sanctorum Quirici, & Iulittæ, mox Sanctæ Mariæ in Aracoeli, ad extremum Sancti Laurentii in Lucina, anno MDCXV. die XX. Iulij prænestinus Episcopus, anno MDCXXI. die XXVII. Martij suprascripta portuensis, at MDCXXIII. Ostiensis, anno Iubilei MDCXXV. Portam ad Sanctum paulum solemniter aperuit, conclusitque, diemque clausit extremum anno MDCXXVI. die XXVIII. Augusti elatus ad Sancti Urbani templum, quod substruxerat. Octavius Bandinus Florentinus Archiepiscopus Firmanus, & Sanctæ Romanæ Ecclesiæ Cardinalis anno MDC.

XXI. die XXVII. Martii Prænestinus Episcopus, anno MDCXXIV. die XVI. Septembris Portuensis, denique Ostiensis anno MDCXXVI. die VII. Idus Septembris, obiit die I. Augusti MDCXXIX. conditusque fuit in Sancti Siluestri in Monte Quirinali, exstat ibidem Epitaphium. Andreas Perettus à Clemente Octavo Diaconus Cardinalis adscitus anno MDXCVI. Sanctæ Mariæ in Domnica, mox Presbyter Tituli Sancti Laurentii in Lucina, pronuntiatus fuit Episcopus Prænestinus die XVI. Septembris anno MDCXXIV. tum Albanensis anno MDCXXVI. die II. Martij, hinc anno MDCXXVII. die XVIII. Kalendas Maij Tusculanus, obiit Romæ die III. Augusti anno MDCXXIX. & apud Sanctam Mariam Maiorem sepultus est propè Sixti Quinti gentilis sui Mausoleum. Dominicus Gymnastus Romæ natus originem trahens è Castro Bononienfi Archiepiscopus Sipontinus Nuntius ad Regem Hispaniarum à Clemente Octavo missus, Cardinalisque designatus, à Paulo Quinto Titulum Presbyteralem Sancti Pancratij accepit, tum Sancti Laurentij in Lucina, è quo, anno MDCXXVI. die II. Martij ad Prænestinum Episcopatum euectus, anno MDCXXIX. die XIII. Septembris ad Portuensem, ereptus est orbi anno MDCXXXIX. die XIII. Martij, tumuloque inditus in Ecclesia Sanctæ Luciae, quam fundarat, dotaueratque. Marcellus Lantes Romanus è Camera Apostolicæ Auditore à Paulo Quinto affine Presbyter Cardinalis Tituli Sanctorum Quirici, & Iulittæ Tudertinus Episcopus, pridie Kalendas Maii anno MDCXXIX. Prænestinus, VIII. Idus Octobris Tusculanus, XXIII. Martii anno MDCXXXIX. Portuensis, ad vltimum Kal. Iulii MDCXLI. Ostiensis, migravit è vita die XVII.

Apri-

Aprilis MDCLII. Petrus Paulus Crescentius Romanus ex Auditore Camerae Apostolicae à Paulo Quinto ad Cardinalatum euocatus, Presbyterque Sanctorum Nerei, & Achillei Tituli Fasciolæ, Episcopus Reatinus, & Vrbeuetanus, deinde Prænestinus VIII. Idus Octobris anno MDCXXXIX, & Portuenfis Kalendis Iulii anno MDCXLI. Romæ obiit die XXVI. Februarii anno MDCXLV. Guido Bentiuolus Ferrariensis è Presbytero Cardinale Sanctæ Mariæ Transtiberim Tituli Callisti Prænestinus Episcopus Kalendis Iulii anno MDCXLI. euasit. Cardinalatus dignitatem illi detulerat paulus Quintus Nuntio ad Regem Francorum, & Archiepiscopo Rhodio, Ecclesiam Regiensem in Prouincia Narbonense administravit. Cum verò in pontificio interegno post Urbani Octauii obitum die VII. Septembris anno MDCXLIV. decessisset, eodem anno die XVII. Octobris Innocentius Decimus in secreto Consistorio referente Eminentissimo Cardinale Ginetto Vicario prouidit Ecclesiæ prænestinæ Ildephonsum de Cueva Hispanum Cardinalem à Gregorio XV. delectum anno MDCXXII., qui eam de more Optauerat, & præfecit.

Illeque adhuc isti præfider.



EPI.